

妙法蓮華經 見宝塔品

第十一

爾時仏前 有七宝塔 高  
五百由旬 縱広二百五十  
由旬 從地涌出 住在空  
中 種種宝物 而莊校之  
五千欄楯 龕室千万 無  
數幢旛 以為嚴飾 垂宝  
瓔珞 宝鈴万億 而懸其  
上 四面皆出多摩羅跋耨  
檀之香 充徧世界 其諸

旛蓋 以金 銀 瑠璃 碑  
磬 碼 碯 真珠 玫瑰 七  
宝合成 高至四天王宮  
三十三天 雨天曼陀羅華  
供養宝塔 余諸天龍夜叉  
乾闥婆 阿修羅 迦樓羅  
緊那羅 摩睺羅伽 人非  
人等 千万億衆 以一切  
華香瓔珞 旛蓋伎樂 供  
養宝塔 恭敬尊重讚歎  
爾時宝塔中 出大音聲

歎言善哉善哉 釈迦牟尼  
世尊 能以平等大慧 教  
菩薩法 仏所護念 妙法  
華經 為大衆說 如是如  
是 釈迦牟尼世尊 如所  
說者 皆是真實 爾時四  
衆 見大宝塔 住在空中  
又聞塔中 所出音聲 皆  
得法喜 怪未曾有 從座  
而起 恭敬合掌 却住一  
面 爾時有菩薩摩訶薩

名大樂說 知一切世間  
天人阿修羅等 心之所疑  
而白 仏言世尊 以何因緣  
有此寶塔 從地涌出 又  
於其中 發是音聲 爾時  
仏告 大樂說菩薩 此寶  
塔中 有如來全身 乃往  
過去 東方無量千萬億  
阿僧祇世界 國名寶淨  
彼中有仏 号曰多寶 其  
仏本行菩薩道時 作大誓

願 若我成仙 滅度之後  
於十方国土 有說法華經  
處 我之塔廟 為聽是經  
故 涌現其前 為作証明  
讚言善哉 彼仙成道已  
臨滅度時 於天人大眾中  
告諸比丘 我滅度後 欲  
供養我全身者 忝起一大  
塔 其仙以神通願力 十  
方世界 在在處處 若有  
說法華經者 彼之宝塔

皆涌出其前 全身在於塔  
中 讚言善哉善哉 大樂  
說 今多宝如来塔 聞說  
法華經故 從地涌出 讚  
言善哉善哉 是時大樂說  
菩薩 以如来神力故 白  
仏言 世尊 我等願欲見  
此仏身 仏告大樂說菩薩  
摩訶薩 是多宝仏 有深  
重願 若我宝塔 為聽法  
華經故 出於諸仏前時

其有欲以我身 示四衆者  
彼仏分身諸仏 在於十方  
世界說法 尽還集一処  
然後我身 乃出現耳 大  
樂説 我分身諸仏 在於  
十方世界 說法者 今於  
当集 大樂説白仏言 世  
尊 我等亦願 欲見世尊  
分身諸仏 礼拝供養 爾  
時仏放白毫一光 即見東  
方 五百萬億 那由佗 恒

河沙等 国土諸仏 彼諸  
国土 皆以頗黎為地 宝  
樹宝衣 以為莊嚴 無数  
千万億菩薩 充滿其中  
徧張宝幔 宝網羅上 彼  
国諸仏 以大妙音 而說  
諸法 及見無量千万億菩  
薩 徧滿諸国 為衆說法  
南西北方 四維上下 白  
毫相光 所照之處 亦復  
如是

爾時十方諸仙 各告衆菩  
薩言 善男子 我今応往  
娑婆世界 釈迦牟尼仙所  
竝供養多宝如来宝塔 時  
娑婆世界 即变清浄 瑠  
璃為地 宝樹莊嚴 黄金  
為繩 以界八道 無諸聚  
落 村宮城邑 大海江河  
山川林藪 燒大宝香 曼  
陀羅華 徧布其地 以宝  
網幔 羅覆其上 縣諸宝

鈴 唯留此会衆 移諸天  
人 置於佗土 是時諸仏  
各將一大菩薩 以為侍者  
至娑婆世界 各到宝樹下  
一一宝樹 高五百由旬  
枝葉華果 次第莊嚴 諸  
宝樹下 皆有師子之座  
高五由旬 亦以大宝 而  
校飾之 爾時諸仏 各於  
此座 結跏趺坐 如是展  
轉 徧滿三千大千世界

而於釈迦牟尼仏 一方所  
分之身 猶故未盡 時釈  
迦牟尼仏 欲容受所分身  
諸仏故 八方各更變 二  
百萬億 那由佗国 皆令  
清淨 無有地獄 餓鬼畜  
生 及阿修羅 又移諸天  
人 置於佗土 所化之国  
亦以瑠璃為地 宝樹莊嚴  
樹高五百由旬 枝葉華果  
次第嚴飾 樹下皆有 宝

師子座 高五由旬 種種  
諸宝 以為莊校 亦無大  
海江河 及目真隣陀山  
摩訶目真隣陀山 鉄圍山  
大鉄圍山 須弥山等諸山  
王 通為一仏国土 宝地  
平正 宝交露幔 徧覆其  
上 縣諸旛蓋 燒大宝香  
諸天宝華 徧布其地 釈  
迦牟尼仏 為諸仏当來坐  
故 復於八方 各變二百

万億 那由佗国 皆令清  
淨 無有地獄 餓鬼 畜生  
及阿修羅 又移諸天人  
置於佗土 所化之國 亦  
以瑠璃為地 宝樹莊嚴  
樹高五百由旬 枝葉華果  
次第莊嚴 樹下皆有宝  
師子座 高五由旬 亦以  
大宝 而校飾之 亦無大  
海江河 及目真隣陀山  
摩訶目真隣陀山 鉄圍山

大鉄圍山 須弥山等 諸  
山王 通為一仏国土 宝  
地平正 宝交露幔 徧覆  
其上 縣諸幡蓋 燒大宝  
香 諸天宝華 徧布其地  
爾時東方釈迦牟尼仏所  
分之身 百千万億那由佗  
恒河沙等国土中諸仏 各  
各説法来集於此 如是次  
第十方諸仏 皆悉来集  
坐於八方 爾時一方

四百万億 那由佗国土  
諸仏如来徧滿其中 是時  
諸仏 各在宝樹下 坐師  
子座 皆遣侍者 問訊釈  
迦牟尼仏 各齎宝華滿掬  
而告之言 善男子 汝往  
詣耆闍崛山 釈迦牟尼仏  
所 如我辞曰 少病少惱  
氣力安樂 及菩薩声聞衆  
悉安穩不 以此宝華 散  
仏供養 而作是言 彼某

甲仏 与欲開此宝塔 諸  
仏遣使 亦復如是 爾時  
釈迦牟尼仏見所分身諸仏  
悉已來集 各各坐於師子  
之座 皆聞諸仏 与欲同  
開宝塔 即從座起 住虛  
空中 一切四衆起立合掌  
一心觀仏 於是釈迦牟尼  
仏以右指開 七宝塔戶  
出大音聲 如却關鑰 開  
大城門 即時一切衆會

皆見多宝如来 於宝塔中  
坐師子座 全身不散 如  
入禪定 又聞其言 善哉  
善哉 釈迦牟尼仏 快説  
是法華經 我為聽是經故  
而來至此 爾時四衆等  
見過去無量千萬億劫 滅  
度仏 説如是言 歎未曾  
有 以天寶華聚 散多宝  
仏 及釈迦牟尼仏上 爾  
時多宝仏 於宝塔中 分

半座与釈迦牟尼仏 而作  
是言 釈迦牟尼仏 可就  
此座 即時釈迦牟尼仏  
入其塔中 坐其半座 結  
跏趺坐 爾時大衆 見二  
如来 在七宝塔中 師子  
座上 結跏趺坐 各作是  
念 仏坐高遠 唯願如来  
以神通力 令我等輩 俱  
处虚空 即時釈迦牟尼仏  
以神通力 接諸大衆 皆

在虛空 以大音聲 普告  
四眾 誰能於此 娑婆國  
土 廣說妙法華經 今正  
是時 如來不久 當入涅槃  
 仙欲以此 妙法華經  
付囑有在 爾時世尊 欲  
重宣此義 而說偈言  
聖主世尊 雖久滅度  
在寶塔中 尚為法來  
諸人云何 不勤為法  
此仙滅度 無央數劫

處處聽法 以難遇故  
彼仏本願 我滅度後  
在在所往 常為聽法  
又我分身 無量諸仏  
如恒沙等 來欲聽法  
及見滅度 多宝如來  
各捨妙土 及弟子衆  
天人龍神 諸供養事  
令法久住 故來至此  
為坐諸仏 以神通力  
移無量衆 令國清淨

諸仏各各詣寶樹下  
如清涼池蓮華莊嚴  
其寶樹下諸師子座  
仏坐其上光明嚴飾  
如夜闇中然大炬火  
身出妙香徧十方國  
衆生蒙薰喜不自勝  
譬如大風吹小樹枝  
以是方便令法久住  
告諸大衆我滅度後  
誰能護持讀誦斯經

今於仏前 自説誓言  
其多宝仏 雖久滅度  
以大誓願 而師子吼  
多宝如来 及与我身  
所集化仏 当知此意  
諸仏子等 誰能護法  
当發大願 令得久住  
其有能護 此經法者  
則為供養 我及多宝  
此多宝仏 處於宝塔  
常遊十方 為是經故

亦復供養 諸來化仙  
莊嚴光飾 諸世界者  
若說此經 則為見我  
多寶如來 及諸化仙  
諸善男子 各諦思惟  
此為難事 宜發大願  
諸余經典 數如恒沙  
雖說此等 未足為難  
若接須弥 擲置佗方  
無數仙土 亦未為難  
若以足指 動大千界

遠擲佗国 亦未為難  
若立有頂 為眾演說  
無量余經 亦未為難  
若仏滅度 於惡世中  
能說此經 是則為難  
仮使有人 手把虛空  
而以遊行 亦未為難  
於我滅後 若自書持  
若使人書 是則為難  
若以大地 置足甲上  
昇於梵天 亦未為難

仏滅度後 於惡世中  
暫讀此經 是則為難  
仮使劫燒 擔負乾草  
入中不燒 亦未為難  
我滅度後 若持此經  
為一人說 是則為難  
若持八万 四千法蔵  
十二部經 為人演說  
令諸聽者 得六神通  
雖能如是 亦未為難  
於我滅後 聽受此經

問其義趣 是則為難  
若人說法 令千萬億  
無量無數 恒沙衆生  
得阿羅漢 具六神通  
雖有是益 亦未為難  
於我滅後 若能奉持  
如斯經典 是則為難  
我為仏道 於無量土  
從始至今 広説諸經  
而於其中 此經第一  
若有能持 則持仏身

諸善男子 於我滅後  
誰能受持 讀誦此經  
今於仏前 自説誓言  
此經難持 若暫持者  
我即歡喜 諸仏亦然  
如是之人 諸仏所歎  
是則勇猛 是則精進  
是名持戒 行頭陀者  
即為疾得 無上仏道  
能於來世 讀持此經  
是真仏子 住淳善地

仏滅度後 能解其義  
是諸天人 世間之眼  
於恐畏世 能須臾說  
一切天人 皆忘供養

妙法蓮華經卷第四